

後

湘

詩

集

後湘續集卷之四

桐城姚 瑩展和甫

先薑塢編修考陸放翁乙卯年七十一詩敘定放翁  
生於宣和七年乙巳十月十七日瑩以乾隆乙巳年  
十月初七日生道光乙巳二月五日展少陵先生及  
放翁之祀於草堂有感

魯賢自隱窮不死乃復有人同丙子天公巧弄古叟今壽  
永南山亦徒爾退之子瞻同命宮僑爾益甚湖州窮箕口  
牛角自張奮磨羯精氣千年雄放翁老叟逾秦棧宣府幕  
前作幹辦樓船鐵馬望中原一身况是多憂患長城已罷  
兩鬢衰細腰宮畔秋風淒淋漓痛飲嚮天地汴水章華空  
自悲誰遣詩人多入蜀悵望蕭條悲宋玉草堂醜食秋復

舊邨男競唱巴渝曲一杯遙酌薦青蘋東風鶯爛錦江津  
感嘆歲華逢乙巳與翁何事又同辰

三月十七日再出打箭鎗南關

泚水噲吐憫容聽雲峯石劍路三經多情關外猶舊色幾  
樹麻楊濶容青

麻楊即白楊葉短而  
綠直著人聞之味楊

折多山雪

十里晴山千里雪紅日彤雲遞明滅日蒸乾雪不肯消十  
尺白鹽煎竈皴雪山蜿蜒不可窺青海崑崙一望中枉說  
長江限南北車書萬里久來同罪臣來往乘使傳西域蕃  
僧數相見欲問金仙苦行時迷離梵唄無人辨蠻山三月  
草未青礪樓雖破猶堪停怪底輿中寒起粟無端風雨卻

橫經

高日寺

山也在東俄落西十數里

山中夜添雪數尺天上寒雲帶愁積肩輿破曉驚山靈萬  
栢千杉森玉立西來岡嶺多不毛惟聞石礮水怒號到此  
始覺林泉勝何來怪鳥鳴鷓鴣山高徑仄苦難上蕃兒曳  
輿不可仰夏駕雙牛汗喘登人牛喧雜行踉蹌去年經過  
前山溝羸牛跌死猿猱愁蕃兒言之淚交流問我於役何  
時休往來時序殊春秋相對忽忘人白頭

八角樓桃筍一株

長松掩映水流灣橋畔桃筍鞭笑顏八角樓邊晴雨後蠻  
中記取此青山

西行所見刺麻寺多矣僧旣穢濁其誦經皆在喉間  
初無音節鉦鼓喧振雜以鐃鈴使人厭聽

見說西來多梵唄喃喃不辨鼓還鉦經過三百八十寺何處一聞清磬聲

寓裏塘僧樓卽景

小樓終日對蠻山積雪時消艸色斑  
嚮晚烏雲渾欲雨晴虹忽墮枕窗閒

與丁成之別駕寓裏塘小刺麻寺樓二十餘日守督  
乍雅諾門汗西行室僮盈丈一窗如賈兩人坐臥相  
對戶外晨夕炊煙作馬牛糞味散行無處口占示別  
駕調之

丈室經旬似係囚炊煙糞味幾時休  
無端卻憶文丞相燕地三年一小樓

代答

王非博望使河源豈問祇陀孤獨園丈室自開獅子座文  
摩詰兩無言

四月十二日土司餽牛肉一蹄飲酒未半甌陶然竟  
醉夢中忽成一律

世事紛紛各有胎八還物我不須猜縱成木養形先搞慣  
作錦樓心未灰泛海黑風時自警搜金白晝亦堪哀青天  
互古無中外倦馬臨歧首重迴

四月十四夜雪讀衛藏圖識

細雪霏霏晚未闌重裘四月覺深寒攜來圖志多驚異薄  
酒燈前擁被看

裏塘烏鴉大於肥鷄聲如鴉鷗不巢樹而棲人樓屋  
上甚可憎惡西俗人死置諸野聽烏鳶啄食謂之天

葬

莊子在上方鳥食殆即指此

陸步岑樓不出門密雲霏散易黃昏生憎窗外鳥聲惡莫作長沙鴈鳥魂

頭塘曉起冒雪登山

四月今逾半蠻天雪正飛馬牛毛陷蝟男婦毳重衣怪石欺人立重山讓棘肥行行明霽色萬里亂光輝

將至巴塘見松林口  
鬍樹二株一紅一白葉似枇杷  
鬍皆一榦數朵每朵十數小鬍合抱狀如蠟梅磬口  
檀心特紅白異耳詢其名曰達麻鬍爲長句賞之

蠻方風景日日殊人物詭異形難撫千山石樹萬山雪一  
鬍如見傾城姝達麻之種經所無葉如枇杷青且腴朵開  
合抱鬍十數深紅淺白聊可娛檀心磬口牽裳裾蠟梅方

之色不如老夫倦眼行模糊綠衣紅衷相迎扶遐荒憐汝  
苦寂寞野鶴朝暮空飛呼

巴塘端午

巴塘四面皆山中開綠野周數十里青稞小麥彌  
望所居行館依近東山頗高潔可以眺望端午日  
庖人具鷄豚鮮魚爲饌壘中不易得也申刻雷雨  
一陣遙望山色空濛人行麥隴恍如在成都矣  
輕雷飛雨麥翻風山色雲光態不同憶向成都行綠野幾  
人蓑笠在空濛

皮船行

皮船之製聞之久矣過中渡河見之岸上未觀其  
用去巴塘西四十里地名牛古有大河東南流衛



藏圖議云卽金沙江按今輿圖蓋巴楚河也其下  
流入金沙江耳互雲南而入四川卽岷江矣河流  
頗急下多石蕃人以皮船上下竝舟而行甚迅乃  
爲皮船行

皮船形製如方鞋木口籐腹五尺裁受人四五一短檝竝  
舟繩貫行能偕山高夾水流遄疾頃刻已過峯千迴嶺岬  
大石偶擊撞回旋輕輒無驚猜溜筒雖奇尙險絕此物穩  
迅誰所開讀書蚤年想奇製天使譴謫殊方來異情詭物  
飽經見賦詩老矣慙非才

空子頂一蕃官子年十二已爲沙彌數載甚聰俊其  
父愛之延僧於家教習梵誦清明可喜地多綠鸚鵡  
時飛鳴窗外若有知者

善財幾歲得無生，十地初參欲問名。  
一隊綠衣飛不去，朝檻外聽經聲。

殊方政教不相如，貴異還同釋與儒。  
若嚮中華求俊秀，老夫合送五車書。

莽嶺

黃鸞貼地草如茵，平遠山光欲笑春。  
怪底風寒慙撲面，雪峯數點又迎人。

南墩夜月

浮渡龍眠未有期，錦江舊色亦迷離。  
白頭中夜裴回處，宵靜山前月半規。

江卡道中

萬里關山度險巖，衰年未肯負須眉。  
平原淺草馳新馬，一

片愁心付健兒

五月二十三日乍雅曉發望雪山

紫菊秀開事遠遊黃梅子熟尙悠悠巒山亦自含愁重笏  
立千峯盡白頭

乍雅西北昂刺山積雪甚厚一望無際險峻異常人  
馬數蹶作雪山行

夏至已過生一陰雪山雪盛愁人心崔巍高下渾莫辨神  
搖目眩誰則禁馬蹄數蹶骨欲折十人九仆還呻吟千年  
老鵬不敢過狐兔放膽時迫尋日方卓午正騰耀雪尤不  
受相欺侵白雲雖白黯無色惟見缺處杳杳青天青我聞  
丹達之山多雪窟井嘗數丈無其深管人運餉此一墮數  
半雪化驅亭亭官卑未卹名亦沒神廟赫奕猶垂今感念

貞魂一灑淚崎嶇世路徒惺惺吁嗟乎勞入艸艸古所嘆

我歌一闋君其聽

丹達山在酉去一千五百里入藏孔道神頗靈異

察木多大呼圖克圖今已數輩相傳爲明建文轉劫俗說無徵亦見當時天下憐建文久而不忘也

異代興亡殘骨肉千年遺恨託浮雲長陵抔土空神武西域人猶愛建文

察木多中秋望月有感

時連日訊兩呼圖克圖之案未已

投老方爲異域行解紛何似請長纓番兒慮笑陳湯拙拉楚河邊空月明

察木多廟前二水合流名拉楚河由潤滄江入海

### 秋寺

年來况味是行僧踏遍千山雪裏冰塵榻鼠跳聞夜雨佛龕香冷坐秋鐘江湖鷗鷺原無競吳越鷲雉謝未能嫻嫻

西風吹落葉，祗陀園畔聽呼鷹。

卽事

掃地焚香不見僧，尙憐老卒髮崩髻。空王紺宇秋巢鴿，蕃  
女毳裘夜上燈。金菊玲瓏栽萬壽，寶珠圓璨悟三乘。崑崙  
卽此通西極，欲借驂驪試一登。後藏岡底斯山梵書名阿  
阿耨達池云卽瑤池也。子別有說。

察木多西北博窩野，蕃多出良馬。丁成之別駕，購得  
其二余亦得一。別駕故善騎，與張竹虛日乘試之。竹  
虛偶墜傷面，爲二絕調之。

天馬曾聞出澁注，漢皇上廐幾名駒。而今騏驎尋常見，西  
域原來屬帝家。

書生萬里走西陲，便欲窮尋阿母池。曠裏不須憐一蹶，追

風善墮是男兒

後藏岡底斯山下瑪珞穆達賴池  
番人相傳卽西王母之瑤池也

打箭鑪以西菜味甚難得有餽瓜蔬者如嘗異味察  
木多漢人稍眾有園丁四戶日市菘韭萵苣供饌喜  
而賦詩

菜根百歲腐儒餐千里西來入饌難佛地伊蒲甘露好滿  
園香馥勝艾蘭

酌丁成之

又是黃筍爛漫天蓉城秋色憶無邊階前楊柳還相妬蚤  
遣青枝迂客筵

時階下楊柳一株舊葉  
方脫新葉已滿枝矣

察木多九日食葡萄懷家兄伯符是日宣太守下兩  
呼圖克圖判牘

殊方三值思親日可奈茱萸憶弟時宛馬新求西域種葡

荀還似故園枝

兒宅中葡萄味極相似  
不食者十五年矣

空聞節使和鉤町

未許軍丞斬郅支

聖主如天明詔美小臣何敢憎煩

辭

一簣障江河用沒其身漢書何武等傳贊語也魏鶴

山嘗手錄之感爲五言

一簣障江河違俗道甯失三危居半歲殊異未可述信知  
九州廣何必戀蓬室寂寞憶陳言久坐消白日階前菊已  
衰枝上楊未密志曠居無陋行孤勦斯室誰言柳下和已  
信三黜直

與竹虛夜話自臺灣入都假回桐城至成都奉使西  
域中夏裏塘往返行經二萬八千里矣患難相依壯  
懷未已不覺身之衰老也

三年二萬八千里雙騎東西南北人故國江山隨過眼  
變天風雨苦侵身篋中賸有楞伽字爨下空勞汲黯薪  
一語應輸尊膾客此行猶未到崑崙

贈漁童

兩三土屋傍河干十五兒童解釣竿賣去素鱗歡阿母搯  
粃幾日足朝餐

自題康輜紀行卷後

萬方彘甲慶承平小吏嚴符敢憚行冰雪未消千里凍  
蠶難罷十年爭憂時綆短肱空折壞古心長淚欲頌佛火  
一龕忘異域宵來猶待曉鐘鳴

成之和吳春輞韻見示頗切歸思依韻奉答

世路何人憎暫分皇華萬里靜煙氛葵心到處長傾白藻



思知君健入雲天外有山惟積雪海西無馬不超羣他年  
一事應爭羨奉檄新通異域文

錦官三月去晴郊無限煙籠弱柳條關外經秋人影闌闌  
中幾日黛痕消吹來骨角悲還壯倒盡金樽夢更遙拉楚  
河邊同索句不愁歸路度冰橋蕃僧吹角皆以人勝枯骨爲之其聲淒切甚於虜篋

察木多少雁十月偶一聞之是其本鄉非賓鴻也蓋  
雖關外而地在西南非塞北苦寒者比故時已冬後  
無用入關也感而誌之

十月長河已上冰數聲寒雁苦驚僧旅人莫問湖湘事北  
嚮南翔總未曾

察木多冬雪

五月天山時積雪冬來翻覺雪時稀殊方竟歲重裘慣不

畏宵深炭火微

撥火

鐵盆撥火夜猶溫一覺能招天外魂行處但須清夢穩家  
人無事罵章惇

少陵愁坐詩云葭萌氏種迴左擔犬羊存終日憂奔  
走歸期未敢論戲反其意

白頭來異域竟歲狎侏儻救手人如堵

蕃人敬信大刺麻與胡圖克圖所至

千人膜拜求喇嘛手

塗酥曝作

醫病人不知服藥以牛羊

僧咒

天中冰雪嶺屋角鬼神旗

自打箭鏑外至藏中人家

布旗上書符咒僧廟則懸大

左擔休驚險言歸亦解眉

東坡詩云我家江水初發源宦游直送江入海余行

反是更爲一絕

海入江流是我家江源行過路還賒西來寒日多長景爲  
伴羈人駐歲華

樓鴉

寒窗遲日度疎櫺鷺嶺秋來已斷青欲問此身眞住處樓  
鴉時復語空庭

曉日

曉日玲瓏照檻清山高未許障光明負暄無限菲檐叟先  
動鑿邊挾纒情

歲暮雜詠

濁酒盈卮莫縱狂漢書誰與醉滄浪效顰幸免依梁竇東  
髮先曾薄孔張慘澹風雲空騁轡裘回歧路惜亡羊多  
一片天山月照我殷勤似故鄉

巫峽丹楓思渺茫不須玉露嘆凋傷九天鳴鶴曾垂地六月飛蚊尚隱廊鐵索縱橫通佛國金輪轉轉轉山王破車殺馬從君誓林下誰知憂夏長

老去方知世事艱側身千古孰躋攀木灰鹽菜思商管橈樁簞瓢訝禹顏黃鵠漫尋天地闊青松久謝水雲閒少陵絕塞愁豺虎落日孤城且閉關

青山何處覓埋憂白髮蕭蕭倦倚樓星近不知霄漢迴身危始覺海漚浮碑尋邏些餘長慶江間金沙夏上游聞道瑤池能宴飲飄然還欲小神州

愛古誰能不薄今古山今海自高深功名已付闔棺論著述嘗懷覆瓿心茶粥沙城喧鼓角晏陀蠻水變鉛金西來便到天盡處枉事成連學撫琴

茶粥沙國在極西日落海中聲過雷霆城上每以千

後相續集

卷之四

十

人鳴鼓吹角亂其聲否則人多震死晏陀  
蠻國有井水銅鉛錫鐵拭之皆變黃金

偶成

唐宋元明各有人詩成不解若爲隣  
欲尋羣怨興觀自茲  
服紅妝漫鬥新

歌行律句總心聲風月江山別有情  
底事樓頭翻水調湘  
娥一夕淚縱橫

余與丁成之資斧罄已三月貸於茶賈艱甚  
延望省  
批不至成之有憂色詩以慰之

萬里乘檣欲到天星霜迴首易經年  
大官自惜封椿庫異  
域難求公使錢未必張騫留漢渚  
還如夸父飲長川人生  
逆旅尋常事猶勝窮廬啖雪糲

宜城酒有九醞者古人謂之酸酒以爲佳釀  
今時久

未聞矣蜀酒以大麴爲上清酒也去西北高粱遠甚  
打箭鑪以西大麴亦不可得蕃酒以青稞爲之甫釀  
微酸卽云成熟名之曰冲酷嗜之多飲亦能醉人余  
久寓察木多令造酒者三釀之稍可飲東坡云惡酒  
如惡人彼時惡人猶可避耳若處今日尙能辨其佳  
惡哉戲紀以詩

曾聞九醞自直成畱得微酸亦有情絕域逢人休道惡從  
來薄醉勝清明

蕃女多無夫其父母不問聽自爲生與妓無異不知  
妝飾衣纓瑜櫛髮洗面而已察木多酒家數十皆以  
蕃女當鑪謂之冲房冲讀如銃戍兵刺麻雜遝歌飲  
其中穢陋可憫女無少長皆曰鴉頭似漢人教之也

鴉頭三十曳糶瑜解唱夷歌不見夫佛子健兒同一醉不知何似聽巴渝

夜坐

男兒富貴劇堪憐第近城南尺五天受縛名王纓伍噲失官故相敬迎賢成都有桑入百樹地下空將十萬錢斥鷃鷓鴣莫相笑御風列子亦泠然

入宮見嫉爲娥眉作客還聞叫子規世事何嘗異今古解人或許其懼悲樓身遼海原無計賣卜成都未足癡天漢懸名辭不得怪君終日下簾帷

臘日有懷

絕域悵悵送歲窮誰將長劍倚崆峒奉盤曹沫盃三北瞻馬荀卿欲再東野水迷離紫客夢蕃兒頡曲學華風隴西

老將頭如雪，醉尉宵來又幾逢。

寄酬方植之

深思好學逸先儒，頭白猶聞力著書。自守元經貽范望，何須羽獵似相如。考槃半字精無對，紅樹青山健有餘。念我題詩來異域，蓬萊征路欲迴車。

考槃半字皆君自名詩集

商聲古調入君絃，掩却金徽幾歲年。召飲偶開元亮徑，卜居常近范公泉。射蛟臺樹藏舊艇，投子山鐘隔暮煙。自有醍醐堪灌頂，不煩蒼藟覓三千。

何兆詩蒼藟三千灌頂香君善解佛經此翻用其語

酬光律原

黑髮歸田閱歲華，成書直欲滿千家。輸君終始神僊侶，老我遲回博望槎。自毀劉安鳴木鐸，虛鮮郭璞笑蘭葩。黃河灌溉空前語，何似朱明天半霞。

旨余嘗與君書云君如天半朱霞雲中白鶴可望而



不可及瑩則如黃河之水千里一曲雖涓流細滴亦足以灌漑由墮而兼挾風沙中不免於污雜

酬馬元伯兼壽其七十

譚經絳帳是家風蚤歲才名冀北空虎觀自通申魯說郎官常濟水衡功畫圖出塞鳴笳壯遼海還家得句工不信龍眠山色好看君七十少如童

冬初得家書言伯兄近歲頗衰心常憂之以余比年多故兄之衰有由來矣祀竈日卻寄

伯子傳聞近益衰故鄉西域不勝悲百年身世常憂患十口親情半別離買與神方遲大藥營成先兆恨靈龜入關一事君堪慰滿載歸鞍佛國詩

往在揚州得再造九方諸葉已購惟水安息苦不可

得延今未就又聞先

空有蟻患亟謀遷兆

與成之別駕貸得西賈茶千金謝椎闢見贈博窩馬

各一余復買蕃酒一瓶成行有日誌喜

西蜀靈芽萬里還博窩驥驥出人閒蕃兒忽訝歸裝富夏  
買新醪醉入關

祭木多歸次聞少穆舊帥以九卿 召還喜而有作

白髮丹心出玉關清風朗月滿天山五年中外同翹首一

夕烏孫報 賜環 明詔應收父老淚花磚仍冠上卿

班三吳故吏如存問新探江源雪嶺還

丙午正月四日自王卡至噶噶人日立誓至昂地山

中所過連夜著男女數十聯臂踏歌求賞

清宵到處踏蠻歌異域舊回慶太和欲問征人行樂事萬

山雪霽月明多

將至中渡麻格宗道中

絕壁崢萬仞重複莽迴互歲深松杉黑石怪猿猴怖急湍  
瀉哀鳴盤曲道我路澗闊迅飛鳥馬遲屯宿霧裴回悵孤  
躅白日時一顧

遠度飛越嶺大雪

千盤陡峻瓊玉嶺一道深寒冰雪槽行人蜿蜒入雲去微  
聞倦馬空中號關門戍卒凍欲死叢樹飛禽不敢巢老夫  
往來亦已慣欲語歸恐驚兒曹

二月十八日行白化林坪以東沿途桃李盛開

東風駘蕩楊葉舒桃粵李粵滿路陶漢津乍返張騫權蜀  
道仍叱王遵車蹉跎歲時客中客流連光景殊方殊江山  
閱人不世態艸木得氣咸昭蘇循環默感造化意陽和陰  
慘良須臾絜比長短異巧拙方朔飽死飢侏儒尻輪神馬

亦偶爾繇解不解徒拘拘仄矣摩頂笑墨翟一任名實啣  
滴子

遠成都寓舍

裏糧直逾三千里槁首同歸四五人雪石冰松天外嶺淒  
風冷日馬前舊燕疑隔世巢痕舊蝶認方塘艸色新我似  
東坡在南海朝雲曾不厭清貧

後湘續集卷之四終

後湘續集卷之五

桐城姚瑩展和甫

蓬州

古相如繇世傳顏魯公爲長史于此

五品非卑官薄祿勝羈旅况本塵埃吏簿尉實舊侶山城  
餘百戶形勢亦云阻一水下岷江商賈不通貯地貧少租  
稅俗薄易雀鼠鞭扑詎能無敢冀空囹圄昨來嬾龍睡五  
月農不舉受事卽禱祈澤幸及原野民呼感應速亦已歎  
苗黍司馬膺有城平原實治所仰依名賢蹟開卷聯對語

晚涼

屋瓦松猶見山城已報更烏啼桐井歇板響棘垣清露雨  
迎初伏炎風放晚晴一官非傲吏散髮竹牀橫

秋日卽事

公家事了未嫌癡鶴髮何當百里宜政拙祇應書下考山  
深坐許作蒙師香生桂樹分秋色酒映芙蓉酌晚卮此地  
不貧堪吏隱木奴滿苑實累累

一峯笏立階前石千載人傳屬魯公夜雨半庭酸橘柚秋  
聲幾樹響梧楸碧痕斑駁無餘色古意峯寄欲掃空終日  
對君惟百拜九華何必羨壺中

晉東偏一石峯高七尺許  
相傳云顏魯公故蹟也

絕域生還好夢甜尙貪微祿未爲廉典裘每恨商居遠買  
米時憂市價添檢點詩書餘幾架校讎文字值千緡腐儒

風味休嫌澹時有飛紅墮屋檐

蓬州無質庫每典裘使人至卽逾百二十里

城外羣峯入坐青枝頭小鳥靜堪聽雩時幸未終宵雨愁  
重偏能竟日醒邊柝已聞懸雪嶺艸堂無事問山靈蜀中  
自是繁饒地杜宇何因叫不停

食橘

庭中佳樹復何有，八桂丹青五朱橘。紫薇已罷芙蓉鮮，  
柳枿欄相閉密。秋來滿樹火珠垂，僮婢懽呼摘。園實三王  
五帝味相反，四株咸酸一如蜜。前人護惜周以垣，頗似揚  
州屈豫室紛紛。月下散樞星纍纍，風前搖杲日甯知江陵  
千戶侯。交趾橘官亦崇秩，我今垂擬建安守。不待明曹芳  
味溢。

夢回

夢回愁聽雨聲纖，石徑苔痕幾日添。小市城中喧豆米，短  
篷渡口見魚鹽。庭因吏散開新卷，室覺風寒覓舊簾。供應  
後時應自歎，不關徵索羽書嚴。

晚菘示濟昌



秋菘入市飽經霜齒頰朝來有異香晚歲我猶羞肉食少  
年汝幸免膏梁綠葵白醴盈畦町玉筍金櫻自上方人物  
豐和時序順宅邊勝種百株桑

送江雲章

故同年子來畱三月辭歸

主張祿命謝輕肥趙孟何知仲子饑愁客占多疑好語羈  
人旅困計寒衣官因地僻疎迎送心與天和任是非無術  
畱君且歸去稍營升斗慰庭闈

聞達厚庵青海大捷

捷書朝奏動 天顏爲許西師振旅還千里虎羆窮鼠  
穴十年騏驎失狼山雕弓馬上驚飛將舞裊軍中罷翠鬃  
已斥貪庸收國士報 恩雙鬢莫全斑

東坡過巴東爲萊公遺蹟詩云江山養豪俊禮數因

英雄執版迎官長趨塵拜下風當年誰刺史應未識  
三公余謂先生是時方少故作此語耳豈知雷州儋  
耳後來同一感歎耶萊公雖云少學然不讎丁謂其  
胸中脫灑何殊蘇公豪俊固有天授不可以尋常學  
問言耳

消除司戶與三公禮數何關拜下風蘇寇本皆豪俊士固  
當萊國勝巴東

九日攜滄昌遊古佛洞還至慈雲閣

東髮吟唔偷學詩偶因拈韻辨饑飢憐渠食橘能懷母從  
我尋山亦解騎新霽登臨剛九日晚粵爛漫尚多枝昨來  
送客吟長句也向天涯惜別離

滄昌是日有句云東望懷慈母思嫡母也又當作送

江雲章詩辭  
意頗激昂

慈雲閣觀芙蓉觴客

經旬雨積苔侵寺一騎晴衝霧滿天猶對芙蓉延醉客何  
須叢菊燦當筵依山遠樹離離日抱郭清江曖曖煙靄晚  
耕人原上語短蓬知有過來船

蓬州無菊

癸卯在臺灣就逮諸生有禱天后者得讖云制虎降  
龍靜煉丹從今縱躍出元關前途一片風光好不到  
蓬萊只等閒疑或不死而至登州及來蓬州乃知其  
應晉東坡出獄謫黃州四年至登州有海市詩余往  
來渡海者六由今思之何殊海市耶坡公至登州年  
始五十余今六十二矣然公六十二歲尚有僂耳之  
謫余幸不已多乎

人馬珍奇幻蠹樓此生常擬到登州蓬山便是蓬萊閣海

市當年已漫游

東坡先生易簣之巨徑山問疾叩耳大呼曰端明宜  
勿忘西方先生曰西方不無但箇處著力不得余嘗  
疑公西方一語似于此事尚未了然頃思先生自黃  
遷過筠州子由三人同夢之事乃知先生作本等語  
也夏作一個

已知天地有窮盡何必浮雲辨假真箇處先生能把握戒  
和尚本是前身

雁

去年塞外初聞雁今歲人歸未是歸霜日迷離江上路海  
天寥落雨中衣過關不覺新寒重聯影方驚舊侶稀九野  
冥冥飛自遠七人幾處費張機

苑中芙蓉一樹高出檐  
鵝開百數十朵大者如盃色  
紅而瓣多自中秋後終九月未已

石卿僊去主芙蓉西蜀名  
鵝著意穠山城賴汝鬧  
秋色含芳吐豔多  
丰容高齋相對閱晨夕  
濁酒半醒還歎惜  
美人顏色晚未衰  
老翁青衫已深碧  
斜陽解事破秋陰  
十丈紅雲鋪錦席

送秋詩立冬後一日作

昊天有北斗權衡不自將  
坦然付四氣各自乘  
時王青帝育萬物醞釀和  
且康炎景雖云威長養盛  
以昌功成物情遂一一含  
精光暮收夫何爲坐享千  
倉箱憑陵作蕭瑟附之以  
風霜芙蓉非不豔叢桂亦  
芬芳無何俱銷歇蕭條等  
蓬揚金顛自謂堅無能爲  
汝長松栢在何許深澗或  
崇岡

貞姿異柔脆不登百尺堂  
甯知元冥來秋亦自遁  
藏祥雲布四野愛日彌  
萬方願此鬱蔥樹悠悠  
誰能量

活魚

鯨鼈不受釣魴鯉易入罾  
嗟爾尺半鱗朱腮貫青  
鱗目吻雖張翕鬚鬣已  
不勝淒風爲汝悲白日  
慘莫昇得水尙能活忍  
遂几筵登階前砌石盪  
水可容千升徜徉蘇汝  
困淺仄其毋憎蜀江蒼  
浪動會縱汝飛騰

紀事

低頭事簿書終日未能已  
撫循憐鼠雀徵索痛鞭  
箠蜀人好營業買田旋  
復市室無百金儲野少  
十年耜漉負常滿身追  
呼不容暑作息非不勤  
居游未云侈問汝胡爲  
然志貪拙經紀風俗自  
何年宋世已如此紛紛  
括白契不解醜

遺恥感歎李伯微誰歟作備始

州西郭二里許有小阜叢竹翳茂在五馬山南下臨  
嘉陵江洲上四五家依阜作耕阜上有慈雲閣乾隆  
中前知州周君天植傍僧舍築室闢小菊圃鑿池構  
亭塑十三雫神亦自肖像其中云菊雫神也時時往  
遊或信宿返復買田數畝使僧守之歿後州人以其  
室爲仁廉祠奉君及前後蒞州之有德者歲一往會  
丙午九日余觴客于此距君七十年矣憶其時政平  
吏廉民物安阜訟盜稀少官吏能自給且有餘力營  
此宴遊君殆吏而僊者乎聊爲五言一章

聖代多廉吏上下政如一守令能愛民安阜萬家實茲州  
事旣閒庭草皆深茁城上山光青城下江流瀟使君本神

自娛無異事時因辟蠹種香芸

枕上作

生前命宿逢箕斗老去年華夢角張世事傳聞空慷慨夷  
歌到處總悲涼風沈玉漏人敲枕天倒銀河月滿牀屈指  
千秋陳迹在不煩僊客熟黃梁韓蘇二公生命皆月直斗  
有湖州詹耳之責余命泊張月度月亦躔斗  
崎嶇坎河略似二公星家言豈信有驗耶

占卜

愁人好占卜積歲或不應龜筮有短長世亦相詬病五行  
與太一辯訟當誰政或言事吉凶因氣爲衰盛變化環無  
端奚能究其竟今日大吉卜聊復爲君慶

長至日過菜園作

一陽何處問天心隴上寒梅未許尋已信剝蘆容碩果休



誇泮水獻南琛菜霑小雨連畦潤魚避嚴寒竟日沈安得  
蒔檐從老圃瓦尊晨夕坐譚溪

後湘續集卷之五終

後湘續集卷之六

桐城姚瑩展和甫

雩事

州廡東偏有小苑桂楸櫻梧芙蓉紫微櫻桃桑榆  
桃柳雜蒔數十株小池二方可以種荷翠鳥一對  
巢其側時同百舌黃鸝飛鳴沼上中庭片石矗立  
云顏魯公時物也城外山光四圍不斷廡中復有  
此勝豈惟排遣俗情亦足自誇僊更矣作雩事一  
首

婆娑老子不禁舊也費東風換物新桃柳何心還弄影燕  
鷺有意欲窺人遠峯嵐積橫青黛小沼波添縹碧鱗公事  
無多雩事勝緋紅淡白太精神

勝事

舊來勝事復如何  
桃柳參差掠燕過  
醉雨海棠臨砌豔  
驚雷犢角負牆多  
小池漸上青萍水  
密葉能藏百舌窠  
更有

兩株調忿在白頭  
晨夕足摩娑

合歡二株其高三丈葉最勝

自嘲

山谷句云誰家生意無閑地大半歸來已白頭又云公私適負田園薄未至妨人作樂無乃知

公嘗口情事正不能脫然也故自嘲云爾

五品頭銜百里官  
園蔬野蕘滿舊盤  
久諳世事輕榮辱  
不學浮屠信止觀  
檐下燕雛朝雨健  
閨中蠶繭夜絲寒  
名山

勝景不歸去  
夙債問君何日完

蕭姬時方養鸞

舊去

快駕東君不可留  
斜風細雨使人愁  
燕鴛能語應餘恨  
鶯艸何心且未休  
新漲舟帆宜下水  
綠陰邨郭悵登樓  
白頭

老婦譚年少無限韶華鏡裏羞

紅粿

蜀中紅粿爲東南數省染工所重本艸云卽紅藍  
粿李斯諫逐客書云西蜀丹青是也蓬產尤鮮明  
冬月種之三月成粿棊而黃鬚無瓣凡四五摘喜  
夜雨朝晴碾製成薄片出其黃水旣盡然後紅江  
南江西及楚粵賈人以四五月雲集順慶蓬人歲  
獲十數萬金民間豐歉米麥棉粿外恃此博物志  
所云張騫得種於西域者也今藏中猶有之

三月町畦到處紅幾番摘碾費良工越人綾錦紛霞豔蜀  
客帆檣一水通宜雨宜晴愁爽婦得時得價喜邨翁歲收  
豐歉知何限舊麥秋禾祝望同

題壁

何事驅人晚不回  
太倉雀鼠笑遭迴  
背無三甲已自分心  
有一丹猶未灰壯日  
囊錐曾脫穎短轅老  
驥苦銜枚壁閒  
夜響龍泉劍東海騎鯨歸去來

櫻桃

一樹紺珠滿迎風粒粒圓  
粵開穠李後子熟碧桃前  
露溼銜從鳥盤傾喜入筵  
芳園嘉果眾誰更此君先  
蜀都賦朱櫻昔熟蓋諸果之熟莫先于此因悟古人薦廟之義

立夏前五日作

蓬州苦少舊雨種不以時者八年于茲矣今舊禱焉時得微雨茲乃澍雨數日民心大慰比歲直隸山東西河南陝甘江浙閒水旱蟲雹紛紛告災不

能無惕然也

青陽一夜換朱明風雨縱橫滿郭城農事及時田父喜歲  
華變節客心驚偏災畿輔愁仍重轉漕東南室未盈  
聖主頻頒恩赦詔還聞耔種借耨畊

曉起獨步園中有作

鳴禽聽外夢初回曳履園中眼倦開  
樹萋萋半銷歇頽垣寂寂獨徘徊  
輕寒弄雨連宵晝隊鴨衝池散藻苔  
萬事欲拋尋物理一官猶寄是樗材

答客

世事真如雪裏鴻客譏賓戲苦相攻  
功名幸未慚出處仕宦何當論拙工  
茂叔頻年方作宰太邱晚歲謝徵公  
由來此意人難識卻笑栖栖似熱中

官舍

居名官舍本山邨茅屋人家半  
遶垣近嶺炊煙歸晚牧出  
牆叢樹滯朝暎廚因積雨時  
時冷牕爲濃陰處處昏  
領取龍眠圖畫意鳥啼  
鸞落卽鄉園

寒雨

朝雨霏霏壓斷煙披衣行過冷  
侵肩都忘首夏逾三日猶  
似餘萼著重棉溪樹鶴巢藏  
葉穩小庭榴火向風然催  
畊處處飛呼急白水綠蓑滿  
稻田

望晴

拍翅金鳥去不回荒城幾日長  
莓苔雲陰接地眞成帶雨  
意益空總未開再遣神巫喧  
法鼓欲攜父老上舊臺麥收  
半了紅萼減慚愧新秧曉夜栽

野老

野老舊寒卜歲收一官簿領對羈囚無端米價旋增減旬  
日人情變喜憂小吏漫爲天下計蜀山僂擬十年畱神僊  
富貴非吾事吮墨挑燈坐白頭

舊團扇畫

秋風獵獵已三年畫筆猶新物態妍一抹亭煙水雲外半  
橫篷艣柳菰邊客心愁斷沙頭雁世事迷如夢裏天慘淡  
經營無限意萬山深處問啼鶉

送葆叔之涼州

葆叔族弟初見閩中繼晤京師復蜀蜀相依久之  
見余不得意將之涼州鎮蕃覓官有詩畱別輒爲  
四絕以送其行



君去涼州舊武威休屠古蹟尚依稀木蘭當日曾家此黑

水黃河幾破圍

今涼州漢武威郡也本休屠王地余嘗以木蘭詞考木蘭家在武威詳康輶紀行

塞北江南大帳開賀蘭山下盡龍媒男兒匹馬尋常事未

得封侯莫便回

蘭州古有塞北江南之名

嶺外神京路幾千蠶叢蜀道又三年閨中少婦娥痕淺忍

聽伊涼醉舞筵

愧無寶劍贈長行空對青衫淚欲傾此去有人還問訊萬

山溪坐老書生

午日偶然作

流景朝回夕已馳紛紛木槿亦奚爲未嘗一日肯自放便

計萬年真是癡斗極雲煙翻狗馬郵船旌鼓門蛟螭語君

斧柄休嫌爛靜看仙人一局棋

韓公

韓公貶陽山遇赦當還京使家沮抑之復作江陵行江陵  
名勝地依然在蠻荆腥臊畏蛇藥山雨號猩猩法曹本卑  
官捶楚同髡黥天路既幽險誰問死與生同時有張掾歌  
苦爲酸聲公言此由命對酒歌月明公嘗五貶官道重身  
益輕皇甫佗文輩姦譏實營營蛙蚓雖鼓舌何礙韶鈞鳴  
感公更長歎無淚可復傾炎威方燁赫皜皜徒爲情

苦熱行六月十五日作

炎官肆虐張其威跋烏拍翅騰空飛焦原燦石不稱意熬  
波煮海龍歛歛元冥遠避尋收伏世間何物能相違達官  
貴人白羽揮猶聞流汗霑羅衣農夫賤卒欲暍死帝憐下  
土迴龍旂橫空電馳飛霹靂黑雲四合風微微一時清涼

颯遍地如獲百斛明珠璣天垂慈愛活萬物雨澤雖小甯  
云非水澆火熱民感易區區不吝其庶幾

次日得雨

昨日苦熱爲長歌一夜不寐嗟煩疴鋪席坐地蚤蚩多月  
憑日焰燒銀河逐人莫避光則那清晨蚤起頭長科今來  
已分將無何相逢競說天公苛赤日當午不敢呵豐隆條  
爾長空過雲師風伯旌旗摩一雨下注成滂沱暑氣收盡  
會不俄老夫喜笑亡其瘞及時仁政回天和澤沛全境同  
恩波沒生感戴遑求佗酣眠今夕其無訛

顏魯公

范陽鞞鼓揭天愁兄弟同仇氣不侔聞道上皇西內好問  
若何事到蓬州

在  
亭亭嘉樹暗生香  
裁過中元日夜涼  
紅蓼紫薇相絢爛  
一年眼底又秋光

摘瓜

潑黃淺紫蔓藤青  
高下縱橫滿院庭  
補綴瓜棚添豆架  
重煩小婢學園丁  
盤中且喜添新味  
雨後時聞有異馨  
老圃定知風趣好  
輸他晨酒晚先醒

蓼鴛

秋庭紅見數莖垂  
白髮西風可耐吹  
空憶楚江洲畔路  
幾人含淚寫新詞

苦憶

苦憶鄉園不可尋  
偶從閒處覓登臨  
門前一曲嘉陵水  
屋

後重圍介子林款款鶯鶯千里夢微微燈火數家岑天教  
官舍忘城市種秫求桑愜素心

南粵

南粵樓船恨未平茫茫巨壑舞長鯨四張網罟開三面九  
蹶駒駮憶一鳴孤鶴引吭頻月落餓鴟發鏹欲風生酒闌  
莫問十年事晚閉山城畫鼓聲

涼風

涼風日夜至秋氣忽已深况復連旬雨四山多重陰寒鴛  
斂叢豔敗葉鳴疎林歲宴已如此君子亦何心

伍生順常送牡丹二盆

脫葉清霜重蕭疎望四山憐君貽國色爲我慰衰顏芳意  
含應遠青萼去未還繁華夢何許扶醉問雙鬢

九日憶左亦齋

去年共醉慈雲閣一樹芙蓉正豔妝  
風日依然獨惆悵無  
粵無酒過重陽

重陽後四日吏目王君鈞送佳菊數種

九日無粵復無客經時繫馬罷郊行  
忽來滿院繁秋色頗  
似東籬送酒情鴛錦鶴翎求異種  
御袍金盞任題名衙官  
屈宋吾何敢從此盤餐有落英

去歲芙蓉一本甚繁豔今來秋雨彌月竟不粵

去歲繁枝曾爛漫秋粵絕勝豔  
曹英如何苦雨多相妬卷  
卻天孫無限情

十月己半芙蓉忽作三粵而瘦小掩映屋角

去年滿院鋪紅錦寂寞今秋黯自傷  
豪士佳人頭欲白強

橫竇劔點新妝

哭汪孟慈

孟慈守懷慶三年大旱禱雨太行山徒步二百里竟以憂勞卒官丁未八月也

丁卯同登鄉里賢京華幾度話寒瓊文章經術原家世倉廩河渠老髻髻論事每爲千載計向人不惜萬言便如君已作廣陵散此意飄零誰與傳

孟慈在官論事侃侃志存千載向人刺刺每爲所厭

而不已

百年世事感滄桑死後公評未盡亡裴俠獨爲名太守相如不必恨貲郎更無意氣傾河北定有英靈傍太行巴蜀空餘垂老淚西風月冷自淋浪

孟慈在戶部久常以未得一第而就貲郎爲恨

篋裏存書取次看千秋敦勉寸心丹檻車自分已萬死狴戶翻成效一官誰信子陽終井底蠶從呂叟話邯鄲報章久作偏遲發地下相聞鼻更酸

癸卯余就遠北上孟慈貽書以千秋相勉入詞後復

數有來書嘗  
欲復之不果

毛生甫詩冊

生甫名嶽生寶山諸生少以詩名曾賓谷題襟館  
中客也其詩幽古峭峻非近今所有學尤沈博病  
元史疏繆賞重編之藁未竟而卒余在江南遊處  
數年之臺灣乃未能從拏舟送至嚴州相與登釣  
臺賦詩別去逾年寫冊寄余君亡已六年矣此冊  
在笥中展閱之不勝愴然

賓館題襟蚤盛稱江東譚藝若爲朋新詩險境尋常鑿舊  
史重編義例繩遼海幾曾棲管邴釣臺空與拜嚴陵扁舟  
送我成終別收拾遺書恨未能

余嘗欲刻其所著諸稿不果

偶然作寄方植之



世閒何物能驅俗滿徑蓬蒿萬卷書一鶚已聞羣鷺鳥八  
騶空復憶前車西風黃葉亂無限明月綠牕閒有餘爲問  
嘉陵江上水故人蚤晚到雙魚

老妻壽日卻寄

富貴難忘貧賤交焦瘁況是出危巢金罍不恨人常別玉  
柱生憐瑟瑟舊膠紅日半庭書自驟黃芽幾味食添肴南闔  
西蜀懷兒女悵望鯁生一繫匏

清昌隨宦于蜀  
一女從婿在闔

示迴龍院僧

盤旋峻嶺重雲外竟日無人有磬聲修竹千竿門檻淨經  
年一宿夢魂清身多未了嗟前事悟到無言悔此生迷悶  
不須嫌薄領近山泉水尙空明

酌客

薄酒君當盡一卮百年身世苦難追  
闔棺未必傳言信  
門何關在位卑壯士崎嶇常白髮  
重華峻遠託奇詞  
蜀山虛死人無限  
半夜聞雞復自疑

荆棘

十年荆棘眾思鋤  
獵得狐狸路一疏  
盡說將軍新壁壘  
甯知天道有乘除  
桑榆善計收非晚  
鄉校游評事豈虛  
應爲困窮憐下邑  
魯人無夏獻璠璵

舊日作

相如城裏柳條新  
雙燕初飛欲近人  
日暖琴臺悲士女  
風迴劍閣惱羈臣  
買田無計歸陽羨  
前席何年問鬼神  
辜負嘉陵江上水  
三年漁父不知津

元旦龍神祠作

玉環山下曉風清啼鳥先聞第一聲  
麥隴菜畦渾不辨數家燈火是舊城

將至成都過興隆鎮旅舍主人乞詩有贈

樓船橫海一微塵旅舍何須問事因  
且買玉壺三日醉共譚巴蜀四年舊  
陌頭柳色新如許  
匡裏龍文舊有神  
姓字愧畱詩漫與下風執板復奚陳

競說生兒教讀書文高司馬意何如  
古來隱市多賢者君幸先人有敝廬  
紫陌紅塵舊攘攘雙柑斗酒步徐徐  
世閒無限浮雲事試數門前過客車

胡怨堂觀察少夢前身爲僧後入一寺見塑相與己無異恍若有悟使人圖之席閒出示索題

賦物何勞問化工  
凡茵雩落不因風  
閭浮欲濟人閒世福

慧先觀宿命通午夜月明秋正滿

觀察誕夕太夫人先一見月華驚而寤生

龕僧相夢猶同雲峯高處尋遺蹟應在峩嶇太華中

海外相知已十年又隨絳節入西川眾山俯仰欽孤直千

里紛離折片言

盛世看公宜節鉞衰顏如我合林泉

琴時已乞

蜀中自古多圖畫觀政他時繼管賢

李衛公帥蜀圖古名

臣有功蜀中者五人以志景仰後多倣之及末時觀政閣中所圖遂二十八人

將乞病歸寄伯符及里中諸君

局促轅駒一旦休歡顏強免幾年羞舊書雖破猶盈篋舊

水方生好放舟豪氣未除還自笑寸心不死總多愁親朋

蚤備遊山屐輸卻歸來是白頭

江樓獨酌

倚檻魂銷百尺樓茫茫六合動舊愁縱橫艸樹峯千疊寂

莫江天酒一甌京國文章風馬耳銅山富貴爛羊頭抽刀  
欲斷東流水痛洗人間壯士盃

既得罷官至成都候咨文回籍索道人叟咻不已命  
濟昌盡粥官時服物償之

貂裘典盡不須還更賣朝衣莫動顏 盛世衰年羞黼

黻故鄉歸路有雲山風連未了仍貽汝古籍猶多好閉關  
手板拋除無檢束酒樽親近學癡頑 余有貂裘已典之二  
年未能贖也昨並典

券付債  
家矣

### 謝胡觀察贈舟資

蚤歲嘗爲任俠行中年猶覺萬金輕孤寒欲下千人淚悍

將真尋共死盟 達厚庵爲臺鎮人皆畏其驕悍余初至亦

見繩齮二年一以誠待之一且詣謝請盟  
曰武人不學爲君姑容久矣媿悔無及自後臺事惟若是  
聽死生禍福願與共之是年六月夷舟北臺凡五至皆以

白首天涯時事改青衫夜半旅魂驚歸舟得遂乘舊  
水始見嚴公贈杜情

別陳息凡

陳遵好客復多文詩思濃於嶺上雲百里政閒能訪古千  
金價重爲超羣錦江舊暮愁離別幕府知新待沐薰不用  
臨歧歌折柳夢魂遙夜尙尋君

相繼鐘關出使車新詩慷慨獨懷余沈憂且置生前事當  
世先鈔死後書

息凡先鈔余康輅紀行後見有增改復校補之蓋人爭鈔不可得矣

邊塞月

明猶鼓角湖山夢好自樵漁海南人竟歸陽羨祖道無須  
說二疏

張叔雲廉訪枉臨話別

東風吹遍柳絲絲白髮傷春又別離敢恨西來遲絳節

未三月自慙東去負

清時雲開蜀道千峯靜石滿夔

江八陣奇欲下瞿塘重回首高牙遙見颺旌旗

十年江上苦風腥水底魚龍舞未停一夕清霜天地肅萬  
家擊缶黍苗醒赭衣行處生無恨白叟懽餘涕夏零共訝  
騶珂喧曲巷故人臨送眼偏青

戊申三月東歸適玉環書院新成蓬州人士請畱住  
十日楊式如學博吳淮樓孝廉伍謹齋秀才首唱諸  
君各有詩見送輒成六絕奉酬

莫向舊風唱柳枝舊風三日苦將離嘉陵水遠無窮恨暮  
雨流鶯是別時

二蓬東挹雲中秀五馬西來江上青十日玉環書院住風

凰相對展長屏

玉環書院盡擴一州之勝  
大小蓬五馬鳳凰皆山也

四圍疊翠侵書席，幾樹名粵照酒杯。底事杜鵑催客去，不教長住此蓬萊。州麻之景如此

何人到處說逢迎，兩載相看別有情。我是謫僊非傲吏，休將法曲誤鳴箏。

未能惠濟癸婆遍，豈有倉箱百室盈。翻使青錢送劉寵，更憐垂老祝長生。蓬人醜錢相餽曰請備舟資爲位仁廉祠祝之日願公長生福我

四十年前陋巷儒，東隅歷遍到桑榆。拂衣歸去休言晚，猶勝秋風始憶鱸。

壘山先生號鐘琴，拓本爲沈鶴樵孝廉題。

燕市一歌浩氣千古西臺一哭天人酸楚是維號鐘旣失其主胡不長埋而輕出土我爲爾歌誰爲爾論。

哭斌少司寇



公名斌良滿洲正紅旗人廕生善詩有氣節聞海  
內知名士皆傾心禮之嘉慶中已著聲稱然仕不  
得意執政諸公或弗善也京師秋菊盛開無以觴  
客乃典貂裘爲之其好士如此道光二十二年公  
弟閩督怡公渡海逮鎮道公在盛京貽之書曰事  
關千秋公論苟欠斟酌何以入先塋乎二十七年  
英夷求西藏通市大臣旣奏許之矣公以刑部侍  
郎爲駐藏大臣備之  陸辭曰頗有所陳

上命與川督籌焉公憂之密奏以瑩爲前藏糧台  
命未下已憂憤薨瑩亦乞病罷歸最後藏中  
咨抄公奏有云四川蓬州知州姚瑩前爲臺灣道  
夙裕韜鈴循聲卓著與其令之坐領一州無干矣

布莫若量移邊要亦可遂其及時報効之忱然瑩  
於公固不相識也舟中追思往事爲詩哭之

都護西行日空陳

北闕辭金貂會換酒禿髮竟與尸已粟千秋論終慙一薦  
知與君生不識同恨是和夷

遣僕

奴子戴崑從余於臺灣親見余數平南北路之亂  
及英夷犯臺籌防十七海口檢斬黑白諸夷事後  
被逮復從北上入刑部獄返桐城入蜀奉使乍雅  
至察木多險阻患難無貳心在蓬州休息未二年  
而余乞病歸不能豢養之矣乃託之於胡觀察將  
行出箋乞書余不能書崑所知也崑曰冀異時見

手蹟如見顏色耳感其意書而予之崑無便捷材  
而忠謹可取爲詩遣之

仕宦誰最權家人及奴婢豈惟飽煖求亦有輕肥喜爾崑  
亦胡爲相從乃異是家本滄海東生無便捷技從余困鞍  
馬親見軍中事南北討亂民防夷築烽壘海氛幾年靖幸  
未亡一矢扶病治軍書中夜輒數起兇夷旣受縛骸骸若  
羊豕海外全境完大吏或怒視時事局已成孤臣志則已  
喘息曾未蘇輦帶遂三褫檻車實顛沛囚服敢言恥獄成  
幸免戍入蜀夏奉使冰山與雪窖負痛入骨髓已覺脛無  
毛數見呼庚癸惟爾實相從艱難僅不死前後幾十年辛  
勤未一弛旦夕遭呵罵或未免鞭箠面無色怨嚙背亦無  
訾毀貴賤常異交安危不同理翟公門上書今古慨同軌

惟爾以拙誠一意相終始我髮已全白爾歲未三紀蓬州  
始安居酬賞尙有俟病罷我則歸參養今已矣負爾非一  
端患難徒相倚爾望本不奢聊以勸義士相知有胡公清  
峻善臧否許爾入廡下安寘及妻子勉事新主人貞勤當  
自矢長言述爾事歲月易流駛百年會有盡臣僕咸視此  
胡恕堂觀察過蓬州是日蓬人爲余立位仁廉祠士  
庶喧闐走送觀察嗟歎久之曰君可謂大用之而大  
效小用之而小效矣感其言有作賦呈爲別

小山新賦近如何浮渡龍眠入夢多躍馬未能清海甸割  
雞溪愧問絃歌半帆落日長江水一徑寒煙野父蓑別後  
相思何處寫菱荷香裊獨顏酡

四月二十一日至夔州入峽偕方召青濬昌觀峽中

奇勝東南風阻舟行頗緩中流迴轉者再知神意之  
留人也爲詩謝之

巫山雲氣曉猶濃欲問神歸第幾峯  
深謝靈風轉舟楫留人細看碧巖從

哭伯山

江南薊北舊狂生粵海黔山滿政聲挾卷王侯輕  
睥睨擁姬詩酒漫縱橫百年尙覺餘奇氣一郡何堪  
老俊英地下

相從有樊素曉風夜月定攜行

伯山未第時嘗應試天文生定親王臨試伯山挾卷

突至其前王叱曰爾何人伯山掀髯曉之笑曰江南姚東  
之也王曰狂生耳入之後仕廣東揚陽令理糶同知貴州  
大定府知府皆有聲不合于上以病歸姬妾數人詩  
酒自娛卒于金陵姬某殉之所著詩文皆有奇氣

歸州遇沈秋浦夜話

沈名耀蓋鎮江湖北運判

腐儒已白九分頭那更相逢說上流  
暮雨迴辭巫峽夢朝

寒還似洞庭秋共言經國須財用誰料安邊失箸籌聞道  
江南罷機杼爭從西賈市洋綢秋浦言英夷近在鎮江以  
賤值售其洋中綢布人爭  
買之多  
罷織者

出黃牛峽將至宜昌

雲氣滂滂滿四山輕橈倏轉百重灣行窮三峽奇難盡猶  
作崆嵒香霽閒

方植之寒巖獨往圖

身形久已如枯木何事寒巖往夏深萬水千山蹤跡盡微  
聞一杖響空林

豐干饒舌不須訶拾得寒山事亦多法相原來無一物卻  
教廣座設維摩

五月二十六日曉晴舟入樅陽口

錦城迴首遠微茫帝許乘雲攬大荒巨浪奇峯都歷盡緩  
風輕舫入樅陽

後湘續集卷之七

桐城姚 登展和甫

馬小肩又白召同植之元伯聿原遊玉屏山莊翼日  
聿原存之兄弟召同植之元伯魯岑遊邃園未逾月  
聿原又有石丑觀荷之約將辭之元伯手書來云石  
莊本避暑之地荷淨又納涼之時其勿辭也以詩柬  
元伯及諸君

本是崎嶇患難人得歸非爲乞閒身四方蹙蹙吾何騁每  
到清遊一愴神

人言山水可忘憂况對當筵嵇呂儔敢爲清譚忘世事幾  
回舉白復低頭

相期荷淨納涼時八九親朋盡白髭屈指坐中誰最少高



歌莫作洞僊辭

嘉慶乙丑元伯使人圖其象爲小冊同好諸君題詠  
甚眾越三十九年道光癸卯余整過里中許爲作詩  
旋去蜀未果今又五載始歸元伯作圖時年二十九  
今則七十二翁矣詩來索題計君嘗東之韎鞞余亦  
西至喀木何意白首歸來猶得相從遊詠欣成一律  
奉教

跡去飛鴻不可求時來晚景尙堪收與君各到東西極問  
貌休嗟黑白頭把酒清譚還入夜尋山好句總宜秋牙籤  
萬軸誰誇富應共孫曾細校讎

閒居一首呈光律原

漫言潘子賦閒居  
羣騷人得返初老圃  
新從辨柙木後

生時過問詩書溪聲帶月僧房聽  
刻影經霜客座疏文字  
欲拋渾未許由來結習底難除

慈雲庵僧玉華余十數年前屢見之今來復問已久  
寂矣

幽棲不假靈泉寺道院還鄰古太霞  
塢影雙塘橫夜月鳥  
鳴深澗落秋鷄尋聲  
明哭休燃火折腳鐺  
存細煮茶往日  
山僧無覓處卻教丁令獨歸家

戊申冬至日植翁作詠懷詩見示積陰連日詩到放  
晴乃和其韻兼呈元伯律原

元雲積處見昭陽底事重陰閉艸堂歲月無痕  
深杳杳日  
星移次遠茫茫如君潦倒貧非病自古英賢弱勝強  
世運  
乘除吾已了幾回噩夢角還張

植翁再以詠懷詩見示依韻荅之

世事何須問吉凶  
渭清涇濁理難同  
不從上智參三昧  
久已凡情失五通  
尺蠖自藏非穴鼠  
螳螂得意亦騰龍  
與君各飽黃虀味  
不負人閒兩禿翁

歸家攜存蜀酒未盡  
植翁以小瓶來索既許之復繫以詩

不是宜城酸尤慙公謹醪  
相如醴上物一飲也稱豪

歸來

六十人如瓦上霜  
飄蕭猶自喜朝陽  
親朋處處聞歌哭  
僕婦時時問稻粱  
滿眼流離徒內警

時方賑飢等身圖史望重商

五夏依舊難成夢  
不信歸來是故鄉

青鞋布鞵欲尋山  
行去茫茫日未閒  
鄰里寡權知侶少  
市

朝同病瘡時艱書成稿本經三易事去心情類九還從古  
英雄妨末路酒樽茶竈一開顏

伯兄多病再經秋藥裏鱸膾尙未收城外喜余全室返閩  
南有子十年畱蜂房幾曲憐辛苦蟻穴難封歎謬悠居近  
往來朝夕僂天時人事復何尤

時謀客遊  
遲遲其行

張耐翁楚江歸擢圖

生綃一幅楚天秋月滿江城笛滿樓陡起歸人無限思憶  
從三峽下扁舟

己酉人日元伯以贈聿原召飲詩見示輒和兼呈植  
翁元伯聿原時各有舊酒之約

九萬里鵬經蚤化三千年鶴亦同歸問君遼海滄波淺何  
似天山雪艸肥紈袴漫馳金埒馬襦曾著鐵戎衣從容

歲譙尋常事

盛世衰顏莫漸稀

正月十日方兆青召同植翁元伯芑士小石北園觀  
梅憶余乙酉入都竹吾與金鶴臬大令及周伯恬諸  
君觴餞者三十二人一時極譙飲之盛今罕存者竹  
吾沒亦十四年矣植翁元伯各有詩追念竹吾愴成  
一律卽贈兆青

埋玉摧琴十四年鳴騶解組亦雲煙蒼松偃蹇龍仍臥  
竹叢深鷺未遷別處揚情能濟美爭名次道果稱賢兆青  
竹吾異處竹吾器之語人曰吾  
冠異時教授生徒名當逾我朱梅數點還相笑又見清  
狂入醉筵

元伯聿原連日有詩見調未荅適余小疾臥植翁召  
飲不能赴兩君來候戲呈因柬植翁

化金不作王陽術經營復謝陶朱奇幾年服鹽太行驥一日曳尾泥中龜舊寒中人聊偃臥有酒不赴空涎垂新歲從君乞如願老大久任巢由嗤

郭外三里許有田數畝曰小齊莊頗有隙地竹樹二十年  
十年前愛之嘗有小築之意今自蜀中歸以償債家  
爲詩送之

半曲山溪十畝田數家鷄犬一林煙謝公別墅虛前志陶  
令歸家有債錢應許玉壺尋北郭猶能步襪度南阡題詩  
遣送無多恨楊柳初青絮未棉

正月十九日植翁元伯耐園硯峯韋原小眉存之小  
集中復堂席罷元伯有詩步其原韻屬諸君同作

馬君詩才捷無敵有如疾風吹我襟儷古駢今善屬對熊

蟠鷄韓甯實音昔酒滿壺諸老健雄譚長城短語侵平生  
未敢忘久敬白首相看束髮心

韋原有詩見答夏爲長句激之

一觴一壺不爲薄鷄豚何必勝藜藿童時嬉戲到白頭肯  
使青山歎寥索梅橫月夜歸北園楓老霜秋出西郭舊信  
朝來滿庭院嬌碎枝頭權鳥雀紛紛談笑各舌存不用飾  
藜有腰腳新詩健句門逾工五丁三巴道任繫故將幽險  
驚鬼神天公靦顏開橐籥語君休誇才力雄五行災沴方  
頻作豫陝前年早已多東南大水今方落 內府金錢

貶豈羸

廟堂撫卹深憂灼况無冬雪殺螟螣蒼生那

免填溝壑君言盈虛有至理堯水湯旱非爲虐上下憂勤  
德動天咎休反掌何嗟愕人生擊壤逢 盛世舉杯沈

公道共酌

感遇

黃雀猶銜恩匹夫知赴義如何君子徒而負平生志雖無  
富貴心甯昧出處事替我筮仕初誓不爲俗媼屈勉塗泥  
中長官憑怒詈盤根與錯節聊以試吾治或謂鄭僑賢或  
觸絳灌忌摧沮亦已勞天佑无不利謬被吳公薦超遷遠  
及誼良無大受能竊有小知愧

盛代重詞臣胡乃起

外吏再蒙

天語愜感激紛涕淚丞牧作監司重以海

外寄氛祲欲全銷澄清遂攬轡恨未雪讎恥幸免辱國旻  
捷書慰

深宮直言違大帥彈章當萬死疏救亦相繼

卿相咸咨嗟

帝謂臣無罪出之縲紲中復使爲郡貳

五月上瞿塘孺婦魂猶悸徒手謁使相又見貴人恚降黜



何足言再奉殊方使侏儒冰雪中往反閱三歲圖經舊有  
聞何如足親至仕優當更學書成亦盈筭生既遭 聖  
明不使禦魑魅况有三公賢願致殷勤意不拜私室恩豈  
作然灰髡束髮希往哲一奮青雲翅浮沈四十載十事九  
不遂自首遲歸來舊業庶無墜倫理憾常多三樂笑言易  
永念 九重恩漏盡不成寐

三月二日入龍眠

修竹緋桃十里陰拖煙和兩人園林籃輿未問龍眠事  
色山光兩不禁

孔城晚歸口號

幾幅龍眠畫不同天教蒼色付山翁黃鸝白水青松外  
壘橫煙落照中酒意昂藏成病鶴詩情閒淡倚枯桐海南

將有朝雲在，未肯荒亭電露空。

出遊

宦遊三十年，通負常未已。自夸筋力健，飢溺以爲恥。甯知  
衰暮歸，不得臥田里。入門未滿歲，呼索復盈耳。諸公意深  
厚，相謀生活理。虛名擁皋比，而不課文士。依然太倉雀，竊  
粟從比比。歎息徒強顏，見人額有泚。金陵古名都，相望一  
江水。何意鉅公知，三召書盈紙。先言廿年思，後復憂天紀。  
意氣爲我傾，掃榻如倒屣。自慙老無用，不復識臧否。感念  
此殷勤，徘徊行且止。暫借揚州帆，一問鍾山址。

龍眠有佳色，况復當暮暮。沿溪多園林，興至堪緩步。壺觴  
三五人，鬥句寫心素。室人憐齒豁，供饌常四顧。爛熟雞鳧  
豚，羅雜菘瓜瓠。雖非五穀德，重味實所怒。戒言不肯聽，飽

食詎忍吐朝聞有遠行檢點巾箱布舊衣親補綴燈炮縫  
未住回憶少壯時情深宛如故語君有歸期秋菊零寒露  
己酉三月赴李石梧制軍之召至白下時李公已抱  
疾陳情有詩見贈屬和輒成五言三律應教余亦將  
之揚州矣

舊水兼天潑愁心萬斛盈一帆煙雨重又到石頭城鼓角  
軍門靜沙洲戰艦橫相逢諸父老災後喜時平

出處同憂國安危必致身自揮王氏塵不污庾家塵日暖  
粵仍豔鐘紅酒夏純始知苟令坐猶有倚閭親  
不灑千秋淚誰銜百歲哀如公持節蚤共倚濟時才雅抱  
傾三夕沈憂極九垓白頭慙作客離聚總徘徊

寓寓白門僧舍願湘舟自蘇州以其賜硯堂所藏金

石圖譜來示且云家貯書十萬卷未入四庫目錄者二千可謂富矣詢知潘芸閣河帥刻乾坤正氣集將成欣然有作

白門僧舍雨陰萬卷書樓不可尋正氣欲同金石永相逢惟有歲寒心

顧湘舟五十歲江淮閒名流女史壽以詩畫者甚眾湘舟裝泮成冊來索余詩

我從六十髭全白五十君方黑兩髭萬卷圖書觀幾遍千年桃藕覓多時朱門歷歷殊今昔綠蠹沈沈滿甕巨莫向僊人求異術長畱面目自稱奇

程仲蘇太守家題以其尊人鶴樵侍郎藥洲拜石及

石緣圖請題余不見仲蘇三十六年矣藥洲九石八

在粵東學使署一在藩署侍郎以嘉慶庚午視學粵東道光辛巳以粵藩攝學使九石前後得全見之故作二圖俯仰今簪怡然有作

簪我未壯子未冠說文譚經常夜半藥洲殘石在園林每爲降王笑南漢是時乍喜海氛靖海雲昏黃竊愁敷市舶簪惡紅毛騎珠貨猶盈大府幔覆雨翻雲變太多百卮倒漏金無算別去今幾四十年相逢共破石城煙石頭城下清江月曾照蕃酋醉舞筵我頭子髭兩皆白欲譚往事心煩煎秦淮罷捲虛全箔香港新停大食船上海夷界大書刻九僊夷館青雲連尙聞九片玲瓏石不許紅毛鋪錦席百拜無愧米顛書石上藥洲字或云米顛題兩處長存使君宅朱旌絳節憶僊緣摩挲圖畫畱清澤題句何人三歎息寥落江山

一遊客

五月十三日避水四松庵贈謙谷長老卽題其南澗

放參圖

龍眠有狂人喜譚大九州東逾毘耶海西飲雪山溝遐追  
印度域欲問金僊遊頗恨選些僧法輪轉未休 聖代

緩荒服設教古不侔侏儻二萬里五體輸誠投我心本清  
淨難忘西湖舟西湖勝刹多理安爲其尤法師幾年住一  
見隔數秋似聞法席勝瓶鉢安潛蚪退院游金山再過如  
浮鷗安化老尙書謂師能清修吟詩有佳句酬唱多名流  
博山好新築錫杖堪淹留僧亦感公意星紀忽一周我從  
西蜀來已近峨眉卽未得金剛定難免塵俗謀偶應制使  
召復至石城陬相逢多夙契訪舊亦尋幽曠遠恣清曠窮

高陟危樓不須出世法已足消煩憂煩憂胡復深水忠民  
未瘳白波極浩蕩何處尋田疇况此水中屋千家風颭颭  
金錢賬已盡府庫安從求與師得高阜幸免形如鳩飽食  
而安居徒懷飢溺羞梯山更航海語師其無搜我已遠遊  
遍芒鞋行欲收茲山卽南礪山鳥還啁啾

謙谷木號讓舟  
周保緒爲作梯

山航海圖包慎伯  
魏默深皆有詩

管小異言癸卯五月在濟甯汪孟慈聞余被逮大慟  
嘔血而余未知孟慈嘗言以朋友爲性命不其信哉  
君沒今三年矣小異異之子也孟慈是其婦翁言當  
不妄嗟呼交道之薄久矣如孟慈亨甫其猶古人之  
風哉

交道古所重金石良不渝豈惟意氣合道在德不孤公義

苟相取好尚，嫌殊斯人有。經術常鄙輕，薄儒誓濟天下。  
重慷慨，陳嘉謨不惰。君門遠，周道同，馳驅時會邁屯。

否輜輳非一途，摧心更長慟。襟血已霑濡，訓信何足道。敗  
績噤，皇輿長夜爾悠悠。愧我徒崎嶇，剖方夙所恥。摸  
稜恨不觚，完此貞白璧。何問瑕與瑜。

八月二十日借管小異訪湯雨生病愈畱飲

清秋天氣破，煙霏緩步尋。人一徑微，到處林泉堪送老。半  
生嶺海竟全歸，蒼茫朝市餘。習井慘澹風雲，付艸衣白髮。  
樽前譚往事，由來百是已千非。

不見黃樹齋十四年矣，宦轍不同而同見。謫己酉十  
月，君以入都過白下，梅伯言亦歸自京師，樹齋約登  
鍾山陰，寒不果爲五言一章。



日日望鍾山未探靈巖址已挂神武冠宵復戀城市蹉跎  
性成懶有爲時復止故人何方來相見一悲喜曾爲股肱  
臣中忽罷金紫浩蕩八九年徧覽奇山水盈囊有佳句往  
往陰鮑儼入門笑且投謂我當何似借舊漸欲盡浩氣尙  
存耳念我長崎嶇面目殊不死語淡不覺夜有酒亦清旨  
方今天子聖燭照破淫詭會當起李綱一洗邦國恥  
行矣君自愛世事待整理我精已銷亡不足任驅使貪擁  
一臬比辜負經天暑農賈兩不能飽食常慮侈浮雲翳有  
盡幸免污青史所恨老爲客不得臥鄉里梅福都中來亦  
已懸車軌少同慷慨言白首不相鄙兩君多雄文實事必  
有紀生能爲我歌死當爲我誄

移寓博山園與謙谷長老共數晨夕久之題其詩集

松竹溪修嶺壑旋石頭城下水如天  
半年穩住餘霞閣從此名山有靜緣

我生山水無情緣余庚午年句也

水中明月夜來遲雪裏梅萼又幾枝  
已是騎驢不須覓打包行腳任多時

湖雲江樹苦耽吟豈是詞人結習深  
三宿桑陰忘不得竹簾杖裏去來今

雷約軒

葆廉

秀才白馬欄訪僧圖

石磴穿雲杖一枝莫從蓮社覓題詩  
憑君欲共三生話又是空山落葉時

陳若木參軍爲裕靖節幕賓靖節督師海上殉難以  
所用硯贈陳使去蕭枚生爲之刻銘若木拓本裝小  
冊屬題

英靈千載愴辛勤午夜誰回艸檄文玉帶相文丞飄流風字  
熊襄恐覓在令人長憶謝參軍

贈梅伯言

故人京師來廿載車塵洗文成道以遠何必太倉米先廬  
徑未荒頽垣籬可抵枯荷滿園池遠嵐接階薺日夕對鍾  
山不見山扉啟時有龐公來不作賓主禮

博山園微雪

昨夜微風雪都忘石壁寒飢鴉曉無數隱菁滿林端遠水  
兼天積愁雲匝野漫山僧相過問頭白歲方殘

酬湯雨生

江東名將出儒生腹內貔貅百萬兵自倚琴書身退隱時  
聞詩畫筆縱橫休言半笏容多病且幸餘年及太平災歲

幾番蘇老弱都忘倚寓甌塵盈

會稽潘少白自如泉來訪年七十五矣以哭姚鏡塘  
學峽失明愴然有贈

何事於陵子栖栖道路中著書橫一代哭友失雙瞳朝貴  
驚奇節名賢想素風白頭兩遊客相對此心同

後湘續集卷之七終